

Prosjekt: Kultursti i Almane

Prosjektet gjeld:

Tursti rundt Almatjødna, med informasjonstavler om kulturminna som finst i området.

Vedlikehald, rydding og merking av gamal driftsveg i eit kulturlandskap med stor historisk verdi.

Stad: Almane på Bergo i Eksingedalen.

Området er tidlegare slåttemark til garden, delar av området er no sauabeite. Området er fint stelt, og det er i dag mykje nytta sti til Kultatoppen, som er ein av trimturane til idrettslaget. Barnehage og skule har nytta området til ulike friluftaktivitetar. Bergen klatreklubb har klatreruter i Hjellaberget, som ligg i tilknytning til området.

Området inneheldt fleire kulturminne som me ynskjer ta vare på, få fram att i dagen og gjera kjent for andre.

Kulturminna er:

- Restaurert kvernhus og fleire kvernhustufter i Kvernhusbekken
- Demning i samband med kvernhusa
- Gammal danseplass
- Ferdsleveggen gjennom Eksingedalen (mellom Bergo og Nesheim)
- Restaurerte utløer (Nyborg, Almaløa og Hjellaløa)
- Kolmine
- Spektakulær avstikkar opp Almatoa, viktig snarveg i samband med utmarksnæringa
- "Banevegen", stien til Brynhild si utslåtte
- Historiar om utmarksnæring, slåttarbeid, hesjer og frakting av høyr frå utløene om vinteren

Hovedprosjektet er Banevegen, ein sti som vart laga til kårkone Brynhild kring 1900. Brynhild var kårkone på Bergo, og hadde 2 kyr i kåret. Brynhild måtte tidlegare gå over Kultatoppen for å komma til utslåtta si ved Nyborg. Unggutane på garden laga denne stien til henne. Stien er oppmura i vasskanten, og den var sikra med boltar og tauverk på vanskeleg parti. Stien går forbi Banamannen, ein våt flekk som på avstand liknar på ein mann med hatt og frakk.

Stien har vore gløymt og usynleg i 70 år. Ein ynskjer no å tilretteleggja ein tursti for fastbuande og turistar. Denne kan lett nyttast både i undervisning og i reiselivssamanheng.

På platået over Almane er Hjellane, også her gammal slåttemark. Her er ei utløe med nytt tak. Frå Nyborg vil ein skilta til denne løa. Det kan også vera aktuelt å merka stien opp Almane til Hjellane og vidare til Nyborg. Frå fjellklatrarane er det komme ynskje om merking til starten av klatrerutene i Hjellaberget.

Kulturminna ynskjer ein å presentera på informasjonstavler. Ei av tavlene skal innehalda historia om Brynhild og Banamannen og Banevegen. Det kan også vera aktuelt å laga ein natur-/kultursti.

Frå riksvegen, opp i Almane, rundt vatnet, over Kultatoppen og attende til vegen tek det 30-40 minutt. Passar for dei fleste, og vil innehalda spennande parti og mykje kulturhistorie!

Prosjekt: Kultursti i Almane

Presentasjon av prosjektet:



Almane april 2014, Kultatoppen til høyre.

Stien skal gå forbi Almaløa til venstre på bildet, rundt langs vatnet til Nyborg og Nyborgsløa. Derifrå går den i høgda over vatnet og over Kultatoppen.

Utsikt frå
Almane
attende mot
Bergovatnet



Bergo i Eksingedalen

Prosjekt: Kultursti i Almane

Almaløa i Almane:



Frå starten på den bortgløynde **Banavegen**, stien til Brynhild.
Her må kratt, gras og torver fjernast for å få fram att steinhellene.



Bergo i Eksingedalen

Prosjekt: Kultursti i Almane




Stien går forbi Banamannen, som har fått ein kjepp i handa.

Stien må ryddast for lyng og torv som veks over steinane.

Frå gammalt var stien sikra med boltar og tauverk, slik at Brynhild kunne gå trygt forbi.

Her skal det sikrast med boltar og tauverk eller kjetting.



Bergo i Eksingedalen

Prosjekt: Kultursti i Almane

Nyborg: Slåtteteigen til
Brynhild. Området og stien her
vart rydda for om lag ti år sidan.
No trengst det ny ryddeaksjon!



Nyborgsløa:



Bergo i Eksingedalen

Prosjekt: Kultursti i Almane

Stien vidare frå Nyborg mot stigninga til Kultatoppen:



Like under toppen av Kultatoppen går den gamle ferdsløvegen gjennom Eksingedalen, ein kjem så inn på mykje brukt tursti opp til Kultatoppen.

Bergo i Eksingedalen

Prosjekt: Kultursti i Almane



Turpost på Kultatoppen

Utsikt til Bergo:



og til vakre

Almane,
Hjellaberget og
Hjellane:



Bergo i Eksingedalen

